



CONCELLO DE CANGAS

R/ CASTELAO, 2
36940 Cangas- Pontevedra

DOCUMENTACIÓN DERIVADA DE REQUERIMIENTO CONTRACTUAL

ARTIGO: 10 do Prego de Prescricións Técnicas. *Obras e instalacións por conta da concesionaria.*

ASUNTO: *Reiteración de necesidades urxentes de inversión en diversas instalacións adscritas ó Ciclo Integral da Auga con cargo o Plan de Inversións comprometido pola concesionaria e inclusión de dúas novas obras.*

DATA: 24 de xaneiro de 2019.

Novamente nos remitimos a ese Concello para solicitarlle que dea cumprimento ó procedemento fixado na documentación do contrato de concesión relativo ó desenvolvemento do Plan de Inversións comprometido pola concesionaria. Nesta ocasión con especial énfasis dadas as urxencias que a falta de inversión está a provocar en distintas instalacións e redes adscritas o Ciclo Integral da Auga. Dado que esta concesionaria presentou con anterioridade diversas propostas de inversións segundo as necesidades que detectou durante a súa xestión, e sempre na liña do exposto no capítulo adicado ás inversións do Anteproxecto de Explotación Incluído na documentación do concurso do que resultamos adxudicatarios, **solicitamos novamente dese Concello** que lle sexa dado o trámite regulamentariamente establecido de requirir a esta concesionaria para que realice os correspondentes proxectos como paso previo para a súa aprobación e posterior execución.

Sobre o conxunto de necesidades detectadas pola concesionaria e xa remitidas a ese Concello en diversas ocasións, nos vemos obrigados a destacar na presente relación aquelas cujas consecuencias derivadas da falta de inversión obrigan a que sexan consideradas como urxentes ademais de imprescindibles para a correcta xestión das redes ó noso cargo.

Expomos agora a relación destas obras:

- **Memoria valorada de melloras urxentes a executar na EDAR de Areamilla** (1/06/2016). Na que se incluían as reformas máis perentorias a realizar na EDAR co fin de mellora-la súa capacidade e eficiencia. Ante o silencio dese Concello, se insistiu por parte de esta concesionaria novamente nestas reformas en escrito de data do 16 de febreiro de 2017. Con posterioridade a esa comunicación e ante as deficiencias nas instalacións detectadas pola empresa consultora da Xunta de Galicia, Adantía, presentamos novamente anteproxecto de melloras con data do 29 de novembro de 2018. Nestas memorias tamén se recollían as necesidades de actuación no bombeo de cabeceira da EDAR situada en Massó.
- **Obra de reforma do bombeo do Concello** (presentado o 16 de febreiro de 2017). Este bombeo é o de maior potencia instalada de todo o sistema de saneamento do Concello de Cangas. Ademais das mostras de agotamento de boa parte da calderería precisa a renovación total do seu cadro eléctrico.
- **Obras de reforma no Depósito de Coiro** (rexistrado o 10 de maio de 2017). Dada a importancia desta obra se reiterou a súa necesidade por medio de memoria valorada presentada o 23 de maio de 2017. Estas obras estarían destinadas principalmente á reforma da calderería de entrada e saída do depósito que na actualidade se atopa no límite da súa vida útil.
- **Obras de reforma no grupo de presión de Menguíña** (rexistrado o 10 de maio de 2017). Actualmente este grupo está dotando de presión as novas altas derivadas das obras de abastecemento no lugar de Herbello, sendo esta unha dotación para a que non está preparado segundo as súas características de deseño.
- **Reforma do tramo final da rede de abastecemento e saneamento da rúa Avda de Espíritu Santo** (Tramo baixada a Rúa – Avda Ourense, rexistrado o 20 de marzo de 2018) por presentar deficiencias estruturais xeneralizadas e provocar fochas e discontinuidades no firme da estrada. Na actualidade a autoridade da vía, Excmo Deputación de Pontevedra, está reclamando dese Concello a reforma do sistema de saneamento para poder proceder co asfaltado definitivo.
- **Substitución da rede de saneamento na Estrada PO 315 Bueu-Cangas**. (rexistrado o 28 de xuño de 2018 e o 8 de agosto de 2018). Como no caso anterior o titular da vía está solicitando dese Concello a substitución de toda a

línea de saneamento por estar a producirse diversos colapsos e afundimentos na estrada.

Substitución da rede de saneamento na rúa David Cal Vilaríño. (rexistrado o 27 de marzo de 2018) Como nos casos anteriores o titular da vía está solicitando dese Concello a substitución de toda a liña de saneamento por estar a producirse diversos afundimentos na estrada.

Mellora de diversos bombeos do sistema de saneamento. (proxecto presentado en marzo de 2015 e que o Concello tramitou reducindo nun 67% o seu presuposto imposibilitando así o seu desenvolvemento). Nesta compilación de obras se inclúan renovacións e reformas de diversos elementos dalgúns bombeos que na actualidade se atopan no límite da súa vida útil e por conseguinte queda moi comprometida a continuidade no seu funcionamento; os casos máis acuciantes son os das EBARs de Mendiña, Casa do Mar, Vilaríño, Liméns ou Duchas.

A práctica totalidade das actuacións descritas se inclúan na compilación de anteproxectos presentados, remitida a ese Concello o 30 de marzo de 2018 e xa se recollían na Planificación de Inversións incluída no Anteproxecto de Explotación da concesión, sendo por tanto obvio que a necesidade de inversión está plenamente recoñecida por ese Concello. Por este motivo, e dado que esta concesionaria reiterou en innumerables ocasións a súa vontade de cumprir coa inversión comprometida e que estas obras precisarían do correspondente encargo de realización de Proxecto e a súa posterior aprobación por parte do Concello de Cangas para poder realizarse, unha vez máis SOLICITAMOS se proceda a esta tramitación por parte do Concello ó tempo que lles advertimos sobre a urxencia destas obras e eludimos as posibles responsabilidades das consecuencias de non afrontar estas actuacións.


UTE Gestión Cangas
D. Francisco Comesaña Diego.
Xefe de Servizo UTE Gestión Cangas

SR. ALCALDE DO EXCMO. CONCELLO DE CANGAS